

Atuarfimmi pisortat perorsaanermi aqutsinissamut piffissaqarnerulernissaat anguniarlugu atuarfimmi allatsitut ilinniarnissamut periarfissaasut misissorneqarnissaanut Naalakkersuisut peqquneqarnissaannik Inatsisartut aalajangiiffisassaattut siunnersuut. Misissuinermi piginnaasatigut nukittorsaanissamut pisariaqartitsineq nassuiarneqassaaq, ilinniarneq sorleq tulluunnerunersoq, aningaasartuutissatut kingunerisassai aammalu ilinniartinni atuutereersuni ilinniarsinnaanngornissaq periarfissaanersoq. Misissuinermi kingusinnerpaamik UKA2021-mi saqqummiunneqartussamut soqutigisallit sammisamullu attuumassusillit ilanngunneqarniarsarissapput.

(Inatsisartunut ilaasortaq Nivi Olsen, Demokraatit)

Akissuteqaat

(Ilinniartitaanermut, Kultureqarnermut Ilageeqarnermullu Naalakkersuisoq)

Aappassaaneerinninneq

Naalakkersuisut Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaat atuarfimmi allatsitut ilinniakkamik pilersitsinissamut periarfissanik misissuisoqarnissaannik aalajangiiffissatut siunnersuummik sukumiisumik suliarinnissimaneranut qutsavigaat.

Naalakkersuisut ataatsimiisitaliap isumaqatigiissup siunnersuutaaqqaartup akuersissutigineqarnissaannik inassuteqaateqarnerat tusaatissatut tiguaat.